



Headlines

- लेफ्टिनेंट गवर्नर मनोज सिन्हा होरें आखेआ ऐ जे आपदा प्रतिक्रिया दे कम्में च एन.डी.आर.एफ सभनें शा अगगे ऐ ते एहू पूरी निश्ठा दे कन्नै वेशकीमती मनुक्खी जीवन गी बचा करदे ना।
- केंद्र सरकार नै जम्मू-कश्मीर सने 5 केंद्र शासित प्रदेशें दे लेफ्टिनेंट गवर्नरें गी एहू इख्तियार दित्ते न जे ओहू दवाइयें ते जादुई उपचारें सरबन्धी कनून तैह्त कार्रवाई करी सकदे ना।
- मुखमन्त्री उमर अब्दुल्ला होरें दिल्ली च अमित शाह हुं'दे कन्नै मलाटी करियै जम्मू-कश्मीर कन्नै सरबन्धत महत्वपूर्ण मामलें पर चर्चा कीती।
- किशतवाड च आतंकवादिणं दे सफाए लेई जारी सुरक्षाबलें दे तपाशी अभियान च फौजी हैलीकॉक्टरें दी सेवा लैती जा'रदी ऐ, ईलाज दरान इक फौजी जवान नै दम त्रोड़ी दित्ता ऐ।
- नगरौटा गुजरू आहले सरकारी हायर सेकेंड्री स्कूल गी गणतंत्र दिवस च विशेश परौहने दे तौर पर शिरकत लेई प्रधानमन्त्री हुं'दे थमां खास साद्वे दे कन्नै सम्मानित कीता गेआ।



LG-NDRF

उपराज्यपाल मनोज सिन्हा होरें राश्ट्री आपदा मोचन बल दे स्थापना दिवस उप्पर मुबारकबाद दित्ती ते राश्ट्र दे प्रति उन्दे अनमुल्ले योगदान ते सेवा लेई आभार प्रगट कीतां अपने स्नेह च उप राज्यपाल होरें आखेआ जे एन.डी.आर.एफ म्हेशां कुसा बी आपदा दा सामना करने दे समें च ते बचाव ते राहत कम्में च सभनें शा अगगे रेई ऐ। उनें आखेआ जे कुदरती ते माहनू आसेआ लेआंदी गेदियें कुरोपिणं दरान लोकें दे जीवन गी बचाने ते नुकसान गी घट्ट करने च तेजी ते प्रभावी प्रतिक्रिया लेई एन.डी.आर.एफ नै राश्ट्रव्यापी सम्मान हासल कीता ऐ।



LG-Powers

देसै दे 5 केंद्र शासित प्रदेशें दे लेफ्टिनेंट गवर्नरें या प्रशासकें गी हुन एहू इख्तियार दित्ते गए न जे ओहू सरबन्धत अधिकारिणं गी अधिकृत करी सकदे न जे ओहू कैसर ते शूगर ज्नेई किश खास बमारिणं दे इलाज लेई जादुई उपास ते ईलाज दा दावा बन्नने आहले ते लोकें गी गुमराह करने आहले इशितयारें कन्नै सरबन्धत ईमारतें दी तलाशी जां उत्थे रक्खेआ गेदा कोई बी रिकार्ड जब्त करी सकदे ना। गृह मंत्रालय पासेआ हाल च गै सरकारी गैजेट च अधिसूचित इक्क हुकमै च सरकारै जम्मू-कश्मीर, लक्ष्यद्वीप, चंडीगढ़, दादरा ते नगर-हवेली, दमन ते दीव ते पुदुचेरी केंद्र शासित प्रदेशें दे लेफ्टिनेंट गवर्नरें या प्रशासकें गी एहू इख्तियार दित्ते ना।



## CM-HM

मुख्यमंत्री उमर अब्दुल्ला होंरें अजज गृह मंत्री अमित शाह हुंदे कन्नै मलाटी करी बक्ख-बक्ख मुद्दें उप्पर चर्चा कीती। मुख्यमंत्री होंरें सोशल मीडिया उप्पर मलाटी दी जानकारी सांझी कीती पर उनें मुद्दें बारै कोई गल्ल नेई कीती, जिंदी मीटिंग दरान चर्चा होई ही, उनें छड़ा इयै दस्सेआ जे चर्चा जम्मू-कश्मीर उप्पर ही। मुख्यमंत्री दफ्तर नै एहू जानकारी सोशल मीडिया हैंडल एक्स पर सांझी कीती। पोस्ट च दस्सेआ गेआ हा जे अजज उमर अब्दुल्ला होंरें नमीं दिल्ली च गृह मंत्री हुंदे कन्नै मलाटी कीती। इस मीटिंग च जम्मू-कश्मीर कन्नै लगदे बक्ख-बक्ख मुद्दें उप्पर चर्चा कीती गई।

<><><><><><>

## Sec. Transport

यातायात विभाग दे सचिव अवनी लवासा होंरें अजज कोट भलवाल जम्मू दे ड्राइविंग एण्ड रिसर्च संस्थान दे निर्माण कम्म दा व्यापक निरीक्षण कीता। इस दरान उंनेंगी संस्थान दे प्रमुख बिंदुएं जियां प्रशासनिक ब्लॉक, हॉस्टल ब्लॉक, बक्ख-बक्ख ड्राइविंग टेस्ट ट्रैक ते होर दुएं ढांचे बारै जानकार कीता गेआ। सचिव होंरें इस दरान कम्में दी गति सने होर दुइयें सहूलतें दा जायजा लैता।

<><><><><><>

## JMC

गणतंत्रता दिवस दे उपलक्ष्य च जम्मू नगर निगम गणतंत्रता का गर्व विशे तैहत पूरे शैहर च बक्ख-बक्ख गतिविधियें दा आयोजन करने जा'रदा ऐ जेहदा उद्देश्य ऐ नागरिकें च साफ-सफाई, जिम्मेदारी ते देशभक्ति दी भावना दा इजाफा करना। इनें प्रोग्रामें च आप सहायता समूहें दी नमैश, ओपन माइक सत्र, सूर्यपुत्री रक्षा अभियानें सने होर दुए महत्वपूर्ण अभियान शामिल न जेडे लोकें गी जम्मू शैहर गी साफ-सुथरा बनाने दी मुहिम कन्नै जोड़ने लेई प्रोत्साहित करडन। जम्मू नगर निगम दे कमिशनर डॉ. देवांश यादव होंरें एहदे बारै गल्ल करदे होई आखेआ

<><><><><><>

## Search Operation

किश्तवाड़ जिले दे उच्चे पहाड़ी जंगली इलाके च छप्पे दे आतंकवादिएं दे इक समूह दा पता लाने ते उं'दा सफाया करने लेई अजज बडुलै सुरक्षाबलें दा घेराबंदी ते तपाशी अभियान फही शुरू कीता गेआ ते एहदे च फौजी हॅलीकॉप्टरें दी मदाद बी लैती गई। आकाशवाणी दे जम्मू संवाददाता दी रिपोर्ट मूजब जिले दे छात्रू इलाके च सोनार ग्रांस च सुरक्षाबलें दे इस अभियान गी न्हेरा ते दुगर्म पहाड़ी इलाका होने दे चलदे कल चिरें रातीं रोकी दित्ता गेआ हा। कल इस अभियान दरान छिडे दे टाकरे च सुरक्षाबलें दे 8 जवान आतंकवादिएं आसेआ कीते गेदे ग्रनेड हमले च जखमी होई गए हे। जखमी होए दे इनें जवानें दा अस्पताल च इलाज चला करदा ऐ। अजज बडुलै लौऽ हुं'दे गै फौज, पुलस ते नीम फौजी बलें दिएं सांझी टीमें इस अभियान गी फही शुरू करदे होई घेराबंदी होर सख्त करी दित्ती तां जे आतंकवादी कुसै मौके दा फायदा ठोआइयै नस्सी नेई सकन। इस घने जंगली इलाके च

छप्पे दे आतंकवादिणं दा पता लाने लेई ड्रोन ते खोजी कुत्तें दे इस्तेमाल दे कन्नोकन्नी फौजी हैलीकॉप्टरें दा बी इस्तेमाल कीता जा'रदा ऐ। इस सरबंध्यै च पेश ऐ स्हाडे जिला संवाददाता दी एहू खास रिपोर्ट

तोआई, फौज दे इक जवान नै अज्ज इलाज दरान दम त्रोड़ी दित्ता ऐ। फौज दी व्हाईट नाइट कोर नै स्पेशल फोर्सेस दे हवलदार गजेंद्र सिंह होरें गी अज्ज श्रद्धांजलि अर्पित कीती ऐ जिनें सिंगपुरा इलाके च आतंकवाद रोधी अभियान दे दरान सर्वोच्च बलिदान देई दित्ता ऐ।

<><><><><><>

## GHSS

जिला कठुआ दे नगरौटा गुजरूं गौरमैट हायर सेकेंड्री स्कूल गी भारत सरकार दे नीति आयोग आसेआ प्रधानमंत्री हुंदी तरफां गणतंत्र दिवस समारोह 2026 च विशेष परौहने दे तौरा पर शामिल होने दा साद्दा दित्ता ऐ। देशै दे अटल टिकरिंग लेबारटरियें आहले अब्बल दर्जे दे 50 स्कूलें शा इक एहू सकूल जम्मू डिविजन दा इक्कला स्कूल ऐ जिन्नै एहू उपलब्धि हासल कीती ऐ। इस स्कूल दा प्रतिनिधित्व ए.टी.एल इंचार्ज जगजीत सिंह, ए.टी.एल मेंटर शिवानी वर्मा ते 12मीं जमात साक्षी झाकुर ते पीयुषी मगोत्रा होर करडन।

<><><><><><>

## SMVDSB

गुप्त नरातें दे शुभारम्भ दे मौके पर बाणगंगा ते अर्धकुंवारी दे पराने रस्ते दे व्यू प्वाइंट समीर ते अम्बालिका दी व्यापक मरम्मत ते रख-रखाव मगरा उसी परतियै श्रद्धालुणं लेई खोली दित्ता गेआ ऐ। इस बाद्दू सुविधा करी यात्रुणं गी बड़ी मती स्थूलत हासल होग। हुनै यात्रु खाने-पीने आहला समेयान सने कुदरती शलैपे दा आनंद लैदे होई यात्रा दा लुत्फ लेई सकडन।

<><><><><><>

## Drug Control Ramban

रामबन दे ड्रग कंट्रोल विभाग नै इस गल्लै दी जरूरतै पर जोर पाया जे लोकें गी आपूं अपने इलाज लेई कोई दवाई नेई लैनी लोडचदी ऐ की जे एहदे कन्नै सेहत सरबंधी गंभीर समस्याणं दा सामना करना पेई सकदा ऐ। विभाग दा आखना ऐ जे एंटीबायोटिक दवाइणं दा माडा इस्तेमाल शरीर अंदर मौजूद बैक्टीरिणं गी मजबूत करदे होई दवाई दे असर गी घट्ट करी सकदा ऐ। दर्द निवारक दवाइयां, नींदर आने आह्लियां दवाइयां, ते घबराहट आहली दवाइयां जेकर डॉक्टर दी सलाह दे बगैर आपूं लैतियां जान तां शरीर इनें दवाइयें दा आदि बनी सकदा ऐ। इस बारै होर ब्यौरे सांझे करा'रदे न रामबन दे असिस्टेंट कंट्रोलर ड्रग संजीव कुमार गुप्ता।

<><><><><><>

## Handball

जम्मू-कश्मीर पुलस कास्केटबाल टीम नै सिल्लीगुडी च आई.टी.बी.पी टीम दे खिलाफ कडे मुकाबले च 60-59 दी शानदार जित्त कन्नै .. च अपने अभियान दी शानदार शुरूआत कीती। एहू राश्ट्री स्तर दा टूर्नामेंट सशस्त्र सीमा

बल सिलीगुडी आसेआ अज्ज शा 23 जनवरी तगर आयोजित कीता जा'रदा ऐ। इस टूर्नामेंट च देशभरै दे 30 पुलस ते पैरा मिलीटरी संगठनें हिस्सा लैते दा ऐ ते एह्दे च पुरूष ते महिला वर्ग दे खडारी हिस्सा लैडन।

<><><><><><>